

吳文節公遺集

第九冊



吳文節公遺集卷二十八

男養原謹編

奏議

海塘冲缺摺

奏為恭報海塘石工冲成缺口一段潮水湧注現在趕緊設法搶護並請

旨將

臣交部治罪恭摺

奏祈

聖鑒事竊照浙省海塘為本省杭嘉湖及蘇省之蘇松常鎮七郡田廬保障攸關緊要年來因南岸漲沙日漲日寬海面逼窄潮勢趨撲北岸塘工處處吃重每當山

水下注與潮相激上下漩溜直刷塘根力量尤為猛烈
本年五月十六七及二十二等日晝夜大雨如
注上游山水大發西防廳屬律呂調陽四字號勢坐微
湧江流逼近於二十四日申刻將律呂字號柴土刷空
並將相連之調陽雲騰致兩字號柴土一併帶去該道
廳等正在該法搶護詎石塘樁木年久霉朽卽於戌刻
坍去呂字號石塘十一丈又於二十五日巳刻以後陸
續坍去五十餘丈臣聞報卽親赴工次督飭該道廳等
將已倒之石塘趕做子塘後身原有之附土本屬單薄
亦晝夜加柴加土加樁為擁護之計詎六月朔汛較大
初一二日子塘間有過水處隨時鑲護尚未掣動初三

日午潮尤大於未刻忽將所築呂字號子塘衝開一段
並後身橋柴附土冲去潮勢洶湧下注口門坍寬十餘
丈人力無從著手臣正駐工次目擊情形心胆俱碎即
委員分投各處購覓船隻滿裝塊石俟潮平時於口門
鑿沈一面嚴飭該廳備等多條柴土一俟稍可著手即
趕做柴壩以冀潮水不致內灌至臣未能先事豫防致
石塘有倒塌之處又未能搶護平穩致衝缺過水下游
各處田廬恐不免受害寔屬咎無可辭應請

旨將臣交部治罪再臣於決口進水時親履塘上往來
督飭正值風雨交加塘邊泥滑草鬆臣失足落水幸救
得生惟浸受寒濕精神恍惚腰腿酸痛不能親自駐工

督辦焦急萬分除杭嘉湖道常川在工搶辦外臣復飭
藩臬兩司輪替到工稽查照科臣稍可支持立卽馳赴
工次督率辦理合併陳明所有海塘石工倒坍缺口進
水緣由事關七郡田廬理合恭摺馳
奏伏乞

皇上聖鑒訓示謹

奏道光三十年六月初四日奏奉
硃批另有旨欽此

搶築海塘片

再西防廳屬律呂調陽字號塘五於上月二十四五日
因山水與潮汛衝擊將石塘坍卸數十丈趕卽搶做柴

埽土塘業已完整旋於本月初三日朔汎大潮將呂字號土塘衝開缺口十餘丈過水當經臣恭摺馳

奏在案一面與司道等督飭工員趕做柴壩設法搶護初四初五兩日潮勢正大人力無從著手以致口門又陸續刷寬十餘丈當卽多脩柴埽廣集人夫晝夜搶築冀乘初十後朔汎潮小期內趕緊堵合無如時屆伏汎晝夜兩潮勢仍洶湧將缺口處跌成深潭探量三丈有餘臣督令該三員等於東西兩頭分起挂纜下埽進占現已於東西兩頭各做成柴壩四五丈六七丈不等而中間尚有十餘丈口門未能堵合緣潮來時人夫不能立足無從措手早潮一退卽趕緊施功不過兩三時許

晚潮卽來勢須歇手夜間晚潮退後亦復如是現在又
值望汛大潮潮來較猛潮退較遲下埽如橋稍有不及
穩固之處旋被刷去臣心急如焚力疾親赴工次嚴督
在工員弁人夫等多用麻袋裝土拋填深處一面多脩
柴埽乘空搶做得寸則寸得尺則尺並將兩頭已做之
工加緊保護務期於二十日外望汛潮小期內一律堵
合以資抵禦其毘聯之雲騰致雨四號柴埽附土前經
大溜刷帶一空石塘因年久橋朽絡裂情形亦重現仍
外護內托不遺餘力漏夜搶做埽填冀保無虞至此次
缺口進水飭地方官查探惟附近之仁和海寧二州縣
沿河地方間有低窪村庄數處因潮漲河溢田廬被淹

已飭該州縣妥為安撫下游各遠處因缺口尚不甚寬
進水無多未致漫溢為害除俟趕緊堵合另行馳
奏外所有現在辦理情形謹先附片奏
聞伏乞

聖鑒謹

奏道光三十年六月十四日奏奉

硃批另有旨欽此

堵合海塘缺口摺

奏為海塘缺口現已堵合並下游州縣尚無因潮內灌
被淹受害之處恭摺馳

奏仰祈

聖鑒事竊照杭州西防廳屬律呂調陽等字號塘工前
於五月二十四五等日因山水與潮汎衝擊致將石塘
坍卸六十餘丈趕卽搶做柴埽土塘擁護嗣於六月初
三日朔汎大潮又將所做呂字號土塘十餘丈冲缺過
水當經臣恭摺馳

奏一面與司道等督飭五員趕緊搶堵詎正值大汎期
內潮勢猛烈人力無從著手以致口門續又刷寬缺口
處復跌成深潭周圍約寬百丈均深至三丈有奇下埽
施五寔多棘手經臣力疾親赴五次嚴督五員兵夫等
設法分頭進占復飭五員多備柴料購地取土廣雇人
夫並令藩司汪本銓臬司黃宗漢輪替赴五暨添委糧

道胡元博常駐工次幫同杭嘉湖道舒化民分駐東西
兩頭督辦又札調署東防同知唐光照來工率同在工
員弁兵夫乘此二十日以後望汛潮小期內漏夜搶築
臣仍不時親駐工次嚴行督催每早晚潮一過卽晝夜
施互不遺餘力茲於二十四五兩日革將沖缺土塘口
門一律堵合密釘長大排樁並於外面加拋塊石以禦
湖勢內做托填以資擁護正在繕摺

奏報聞於本月二十六日奉到道光三十年六月十六
日奉

上諭吳文鎔奏海塘石互被水沖缺一摺著該撫督同
藩臬嚴飭道廳等員趕緊設法搶護毋得再有疏虞以

致潮水內灌一面奏明下游州縣有無被淹處所迅卽
據實由驛具奏吳文鎔於轄境要工未能先事豫防著
先行交部嚴加議處等因欽此臣跪讀之下不勝悚感
伏查此次缺口進水臣前經飭據地方官查探惟附近
之仁和海寧二州縣沿河地方間有低窪村莊數處因
潮漲河溢田廬被淹已飭該州縣妥為安撫下游各遠
處因缺口進水無多未致漫溢為害臣前奏塘互趕辦
情形片內業已陳明

聖鑒茲欽奉前因臣復加確查其附近之仁和海寧二
州縣前因潮水驟注沿河低窪田廬間有被淹現已消退
至下游各州縣並無因潮水內灌被淹受害之處現仍

嚴飭各工員加緊保護毋致再有疏虞並一面採購白石大料俟八月大汛後卽趕緊建復石塘以資保衛至杭嘉湖道舒化民暨該廳脩馬椿齡夏德風等先事疏防均有應得之咎當經臣責令將決口工程趕緊搶堵再行察核功過能否相抵該道暨該廳脩等亦自知愧懼一月以來奔馳於烈日泥淖中一息不敢稍懈茲幸仰賴

皇上福庇決口業已堵合可否將該道及該廳脩等免其開叅之處出自

皇上逾格鴻施再此次搶堵險工一切購料購土添雇民夫及委員分投採辦麻袋裝土拋填價買民船鑿沈

購運上游塊石均須迅速湊手與尋常估辦互程有間
需費稍多臣不敢拘泥遲誤卽經飭司於塘工生息項
下隨時籌借給發現在尚未據該廳脩開報寔在用數
除俟核明確數另行具

奏辦理外所有呂字號土塘衝開缺口現已堵合并下
游各州縣未經被淹緣由謹繕摺馳

奏仰慰

宸廑伏乞

皇上聖鑒訓示謹

奏道光三十年六月二十八日奏奉

硃批另有旨欽此

塘工大概情形片

再浙省仁和海寧二州縣境內塘工綿長幾及二百里
分隸東西兩防同知巡視修防查東防石塘於道光十
四年間曾經大修一次西防石塘悉係雍正乾隆年間
修建歷年既久樁木多已斲朽全恃埽工戩土內外夾
持近因南岬漲沙日漲日寬海面逼窄潮勢趨撲北岬
上游山水亦迤向北岸刷汕塘根以致塘工處處吃重
在東塘有坦水三段尚可抵禦其柴埽工段暨西塘通
塘均係柴埽埽根一經搜齧則全埽傾卸所有行路溝
槽附土亦隨之而去以致頭露石塘塘底樁木又年久
易折此年來險工迭出之寔情也從前埽根賴有護沙

凡限外之工上面潑損趕緊加鑲便可保住卽限內之
工工員稍加賠補亦易為力年來先從埽根受傷一經
冲刷卽深至一二丈不等凡限外之工不獨不能僅辦
加鑲卽照新建新建之工價辦理先須從一二丈深之
水底施功糜費已多工竣後外無護沙仍時虞傾却而
限內之工亦往往賠不勝賠至石塘以內積年取土填
工現在近塘數十丈悉成深坎塘身益形孤立而取土
愈遠功費愈多此又年來工程棘手之寔情也且歲修
經費有常勢難一律興辦不能不將險中尤險之工間段
擇修其寔次險之工未及轉瞬已成尤險而間段修理
左右兩頭往往不能聯屬一氣每以忽險之舊工累

及甫修之新五臣屢次往來塘上與道廳等察驗情形
寔係如此卽詢之土民老兵所言亦均相同現在除決
口處所業經堵合外其餘限內險工嚴責承辦之員趕
緊賠補限外刻不可緩之險工正復不少瞬屆八月大
汛臣目擊情形寔為胆寒心悸現與司道等熟商先擇
其尤險者約千餘丈加派委員分段認辦以期急資抵
禦惟通塘八九十丈之埽工若非通盤籌計大加修葺
則尤險者尚未辦竣次險者又成尤險顧此失彼終非
長策且其坐落當衝之處必須多做盤頭數座多購塊
石拋填護住塘根庶可穩固雖目前費用較多而通工
聯絡根脚保固工程自可持久此後數年間之歲修轉

可節省以將來可省之歲修提作目前之工用於帑項
尚無所損惟庫款支絀籌墊亦非易易辦理尤須得人
其應如何籌款作何估辦之處容臣與司道等悉心籌
商俟商酌定議另行奏請

訓示遵行所有現籌塘五大概情形謹先附片奏
聞伏乞

聖鑒訓示謹

奏道光三十年六月二十八日奏奉

硃批另有旨欽此

搶護塘五摺

奏為西防廳屬調字號土塘迤東埽五復於本月朔汎